

خطِ سِوَمِ يُوْحَنَّا

دُعا و سلام

۱ از طرفِ بزرگِ جماعت، بلدهِ غایوسِ عزیز که او ره د راستی دوست دَرُم.
۲ دوستِ عزیز، ما دُعا مُونُم که از هر نگاه کامیاب و تندرُست بشی امو رقم که روح-و-روان تو سالم آسته. ۳ ما غدر خوشحال شدُم وختیکه بعضی برارو آمده د باره تو شاهدی دد که تو د حقیقت وفادار آستی و مطابقِ راستی-و-حقیقت رفتار موكُنئی. ۴ ازی کده هیچ خوشی بلده مه بزرگتر نیسته که بشنوم که بچکیچای مه د مطابقِ حقیقت رفتار مونه.

قدردانی از غایوس

۵ دوستِ عزیز، د هر چیزی که بلده برارون ایماندار انجام میدی، وفاداری خُو ره ثابت موكُنئی، حتی اگه اونا قد از تو ناشنخته ام بشه. ۶ اونا د باره مَحَبَّت تو د حُصُورِ جماعتِ ایماندارا شاهدی دد. اگه اونا ره بطورِ خُدا پسندانه د سفرِ رَبی کُنئی، کار نیک مونی، ۷ چون اونا بخاطرِ نامِ مسیحِ بلده خدمت کدو بر شده و هیچ رقم کومک ره از مردمایِ غیرِ ایماندار قبول نکده. ۸ پس بلده ازمو فرض آسته که از ای رقم آدما پذیرایی کُنئی تا قد ازوا د اعلانِ کدونِ حقیقت شریگ شنی.

شکایت از دیوترفیس

۹ ما یگ خطِ بلده جماعتِ ایماندارا نوشته کدیم، مگم دیوترفیس که خوش دره نفرِ اولِ بشه توره ازمو ره قبول نموكُنه.
۱۰ پس اگه بییم، از کارای که او انجام میدیه یاد اوری مُونُم، چون او د باره ازمو از روی کینه تورای پوچ-و-ناسزا موكِیه و د امزی کارا ام قناعت نکده، بلکه از برارونِ ناشنخته ام پذیرایی نموكُنه و کسای ام که میخایه پذیرایی کنه، اونا ره مَنع موكُنه. اگه از آید شی نشُد، اونا ره از جماعتِ ایماندارا بر مونه.

نصیحتِ یُوْحَنَّا

۱۱ دوستِ عزیز، از چیزای بد سرمشق نگیر، بلکه از چیزای خوب. هر کسی که کارِ خوب مونه، از خُدا آسته، و لے هر کسی که کارِ بد مونه او خُدا ره ندیده. ۱۲ پگِ مردُم د باره خُوبیِ دیمیتربوسِ شاهدی میدیه، حتی خودِ حقیقت ام. مو ام د باره ازو شاهدی میدی و شمو میدنید که شاهدی ازمو راست آسته.

سلامِ آخری

۱۳ ما غدر چیزا دَرُم که بلده تو نوشته کنم، مگم نمیخایم که قد قلم و سیاهی د روی قاغذ نوشته کنم، ۱۴ مگم امید دَرُم که تو ره د زودی بنگرُم و مو روی د روی توره بگی.
۱۵ آسایش-و-آرامش نصیب تو شنه. دوستا سلام های خُو ره بلده تو رَبی مونه. دوستا ره د اونجی ام نام گرفته سلام بگی.